



خوخان بايرام ايشى!

بیرگون سحر یوخودان دوردوم گۆردوم آنا خوخان باشینا دستمال

باغلايیب دوووارلاری سیلیر:

- سلام آنا. نئلیرسن؟

- سلام گیلیم! بایرام ایشی گۆرورم.

- یانی نئجه؟



- دووآرلاری سیلیرم.
- من ده سیلیم؟
- سن هله گئت چای-چۆرگینی یئ!
- گئتدیم حیطده ال-اوزومو یووام گۆردوم آتا خوشان حیطده کردیلری
- ساهمانلاییر.
- نئیلیرسن آتا؟
- بایرام ایشی گۆرورم دا
- نئجه یانی؟
- حیطی ساهمانلاییرام. کردیلری اکیرم!
- من ده گلیم کۆمک ائله ییم؟
- سن هله گئت چای چۆرک یئ.
- چای-چۆرگی تئز هام هام ائله دیم قاچدیم گۆرم آنام نه ایش
- گۆرور.
- آنم منی گۆرجک دئدی:
- گۆزل بالام دیونجا یئدین؟
- یئدیم.
- سوتونو ده ایچدین؟
- ایچدیم!
- قاچ دووآر دیببندن او سوپورگه نی گتیر گل.
- قاچدیم. خوشان آتام حیطده بئللیردی کردیمیزی.



- يورولما آتا!

- ساغ اولسون ككليك قيزيم!

سوپورگه اليمده ائوه گلدیم.

- من سوپوروم آنا؟

- اوست- باشینی توز اندرسن

- ائتمرم!

- دوز-توره لی سوپوره بيلمزسن.

- سوپوره بيلرم!

- او دستمالی باغلا باشینا سوپور گؤرك!

دستمالی باغلادیم. سوپورگه نی محکم ياپیشدیم چكدیم

فرشین اوستونه. بیر- ایکی سوپورگه.. اوچ- دؤرد سوپورگه... آتام

حیطدن گلیب منه باخدی:

- آله شوکور منیم قیزیم بؤیویوب!

من اورگیمده كئف ائله دیم آما باشیمی قووزامادیم:

- بئش- آلتی سوپورگه.. یئددی- سككیز سوپورگه... بايرام ایشی

سوپورگه...



بايرام گونو

من دونومو گئيرديم. آناخوخان تيرمه بوخچانى آچميشدى يئره.
آينانى گتيردى من قاچديم اليندن آلام.

- ديمه قيز! قوي قويوم سوفره يه سن باخ اوزونه گور گوزل
اولوبسان؟

آينادا اوزومه باخديم. تئليمه ال چكديم. ائل _____
گوزل اولموشدوم هااا

من اۆز مه باخا باخا آتاخوخان قورانى قويدو بوخچانين دوز
اورتاسينا.

من ايليديم قورانين يئريني دوزلدم.

- دوشرسن سومهنى قابينين ايچينه بالام!
من مظلوم مظلوم آتامين اوزونه باخيپ سوفره نيني ايچينه كئچه-
كئچه دئديم:

- من دوشمرم. خوشانناز دوشر بالا.

قورانين يئريني دوزلدندن سونرا هله دن-دؤش پيالالارينين دا
يئريني دوزلتيديم . مرجيلرى قويدوم لوبيه لرين بو يانينا. سونرا
اؤزومه بايرام شعري اوخودوم:

- نه ده گؤزل! نه ده گؤزل! بايرام بايرام!

بيردن ياديما دوشدو گؤره سن بو مرجيلرى، لوبيه لرى، نوخودلارى
نه يه قويמושوق بورا؟

- مهربان انام بيز يئيريك بونلارى؟

- يوخ قيزيم سوفره يه دوزوروك داا

- سونرا يئيريك؟

- سونرا برکتلنسىنلر قايتاراق قابلارينا.

- قابلارينا؟

- هن دا كهليك قيزيم! ايندى تئز اول سوفره دن چيخ

ائشييه. تحويل اولار سن سوفره ده قالارسان هال!

من شعر اوخويا اوخويا سوفره دن چيخديم:» سونرا قبا

گئتسنلر...سونرا قبا گئتسينلر».

دولماميز اوجا قدا قاينايردى. اوتوردوق سوفره نين باشيندا. بيز

دوعا اوخوردوق بيردن تيلويزيونداكى كيشى چيغيردى: عزيزى

خوخانلار بايراميز موبارك! من گولدوم. موبارك موبارك دئيديم

آتام قورانى آچدى. پول قويموشدو ايچينه. منه توتدو دئدى گؤتور

بو سنین بايرامليغين. ائله سئوينديم ائله سئوينديم آااا اتيلديم

خوخان آتامى قوجاقلاديم.



بايرام گۇروشو

- بويورون ميوه يئىن!

- چوخ ساغ اولون!

- شيرنى بويورون!

- چوخ ساغ اولون!

آنا خوخان قويور ائوين خانىمى منە ميوه - شيرنى وئرسىن
ككىي! من اوچ يول « بايرامىز موبارك » دئمىشم بايراملىغىمى
گتيرسىنلر هر دفع ده سۇز قارىشىب يادلارىندان چىخىب.

اٲو ابيه سى بيرده دئير:

- ميوه دن بالاځا خوځانا دا وئرين!

آنام الينده پورتاځالى سويور منه وئرسين.

- من آځى پورتاځال ايسته مير ديم كى خيار ايستيرديم
با

آنا خوځان دوداځينى ديشليير. يانى دينمه! من پورتاځالى ياواش
ياواش يئيرم. اٲوين كيشيسى الينى آپارير جيبينه. من
پورتاځالى چئيينه-چئيينه بيرده بايراميز موبارك اولسون دئيرم.
كيشى ازومه باځيب گولومسه نير. واى دهده! پيس ايش اولوب
دئيه سن هاا. آتا خوځان دا منه باخير...دوداځلاريمى
بوزوشدوررورم اوتانديغيمدان آځلايام. كيشى جيبيندن بايرامليغى
چىخارديب اوجادان گولور. آتا خوځان دا گولور! هامى گولورلر.
ياځشى من بايرامليق ايسته مه ديم هاا!



قوناقباجی

منله خوشانناز بیزیم ائویمیزده قوناقباجی اویناییریق.

بالاجا ائو دوزلتمیشیک. خوشانناز همیشه کی کیمی آناسینین
گوللو چادراسینی سالیب باشینا. قولچاق بیر دنه دیر. نوبتله
اونون آناسی اولوروق. خوشانناز قوناقدیر آنام تاپشیریب اول وئرم
قولچاغی او گؤتورسون. قولچاغی ووروب قولتوغونا. من
قابلامالاری دوزموشم گؤزله ییرم او تاخ تاخ دئییب قاپینی دویسون
مثلن. ائله قولچاق قوجاغیندا اوینا بویانا گئدیر. من ده تئز تئز
بالاجا قابلامامین قاپاغینی گؤتوروب قویورام. گؤزله ییرم گل سین.





چکیرگه!

آغاجلار لاپ تازا قیش یوخوسوندان اویانمشدیلار. بالاجا بالاجا
یاشیل یارپاقلار بوداقلاردان چیرتلا بیردی. من له آتام کردیمیزده
بنؤوشه اکیردیک. من تورپاغی قازیردیم. آتام دئییردی ائله یوخ
قیزیم! درینه گئتمه بالام! اورانی یوخ گیلهم! حیه طی باتیردین!

من بنؤوشه لری قوتودان چىخارتماغا چالیشیردیم آتام دئییردی:
ساخلا ساخلا کؤکونو قیردین آ قیزیم! یاواش یاواش! ایندی
سیندیرارسان!

من قوتودان چىخارتدیغیم بنؤوشه لری کردیه اکنده آتامین داها
دؤزومو قالمامیشدی دئینن کیمی اولوردو: ازدین! آیاغینی اورا
قویما! من تئز تئز «باش اوسته» دئییردیم. تئز تئز ده تربیه سیز
آیاغیم اؤز اوزونه آتام اکن بنؤوشه لری ازیردی. بیردن آتام
سوسدو. سونرا پیچیلدا یا پیچیلدا یا دئدی: تئز گل بورا باخ!
من تله سیک دؤندوم گؤرم نه دئیر. بیردن بیر دنه بیر زاد آتیلدی
اوستومه! من دیکسینیب دالی دالی گئتدیم. آتام دئیدی:
- قورخما قورخما چکیرگه دی.

سونرا باشینی توولاییب گولومسندی:

- آخیرده ازدین او بنؤوشه لری دینجلدین؟

چکیرگه یئکه گؤزلی ایله منه باخیردی. من بنؤوشه لرین
اوستونده اوتورموشدوم.

حاضیرلایان: بالاجا خوخان سیته سی <http://www.xoxan.com>

رسام: کؤنول رنجیر

یازار: اولکر اوجقار